



Broj: 01-03-26-620-19-I/05
Sarajevo, 12. oktobra 2006. godine

Na osnovu člana 25. stav (1) tačka e), člana 42. stav (1) tačka d), i člana 43. stav (2), čl. 12., 14., 16. i 18. Zakona o konkurenciji («Službeni glasnik BiH», broj 48/05) te člana 17. Odluke o načinu podnošenja prijave i kriterijima za ocjenu koncentracija privrednih subjekata (KV. Broj: 01-01-50-858-I/06 od dana 12. oktobra 2006. godine) po Prijavi namjere koncentracije privrednog subjekta MANN+HUMMEL Auslandsbeteiligungsgesellschaft mbH, sa sjedištem u Ludwigsburgu, Hindburgstrasse 45., Savezna Republika Njemačka, i privrednog subjekta «UNICO FILTER» Tvornica filtera d.d. Tešanj, Industrijska zona, Bukva bb, Tešanj zaprimljenu pod brojem 01-01-26-620/05 dana 29.12.2005. godine, a na zahtjev dostavljen od opunomoćenika Spaho Mehmeda, advokat, Muhaneda Kantardžića 3/IV, 7100 Sarajevo, dana 21. septembra 2006. godine (zaprimljen pod brojem 01-03-26-620-18-I/06), Konkurencijsko vijeće na 34. (tridesetčetvrtoj) sjednici održanoj dana 12. oktobra 2006.godine, je donijelo

R J E Š E N J E

1. Ocjenjuje se dopuštenom koncentracija privrednog subjekta «MANN+HUMMEL» Auslandsbeteiligungsgesellschaft mbH, sa sjedištem Ludwigsburg, Hindburgstrasse 45., Savezna Republika Njemačka, i privrednog subjekta «UNICO FILTER» Tvornica filtera d.d. Tešanj, Industrijska zona, Bukva bb, Tešanj.
2. Ovo Rješenje je konačno i upisuje se u Registar koncentracija.
3. Ovo Rješenje bit će objavljeno u «Službenom glasniku BiH», službenim glasnicima entiteta i Brčko Distrikta Bosne i Hercegovine.

O B R A Z L O Ž E N J E

Privredni subjekat MANN+HUMMEL Auslandsbeteiligungsgesellschaft mbH, Ludwigsburg, Hindburgstrasse 4., Savezna Republika Njemačka je podnio Konkurencijskom vijeću Prijavu namjere koncentracije (zaprimljenu pod brojem 01-01-26-620/05 dana 29. decembra 2005. godine) kojom MANN+HUMMEL Auslandsbeteiligungsgesellschaft mbH (u daljem tekstu: Podnosioc prijave ili «MANN+HUMMEL») namjerava preuzeti kontrolu nad privrednim subjektom «UNICO FILTER» Tvornica filtera d.d. Tešanj, Industrijska zona, Bukva bb, Tešnju (u daljem tekstu: «UNICO FILTER») kupovinom dodatnih dionica, u smislu člana 12. Zakona o konkurenciji (u daljem tekstu: Zakon).

Konkurencijsko vijeće, dana 07. marta 2006. godine je dostavilo Podnosiocu prijave Potvrdu o primitku kompletne i uredne Prijave (broj: 01-03-26-620-4/05), u smislu člana 30. stav (1) tačke a) i b) Zakona.

Nakon izdavanja Potvrde o primitku kompletne i uredne Prijave, Konkurencijsko vijeće, u skladu sa članom 18. st. (5) i (6) Zakona u rokovima iz člana 41. Zakona nije donijelo Rješenje o koncentraciji po Prijavi namjere koncentracije privrednog subjekta «MANN+HUMMEL» i prema tome predmetna koncentracija se smatra dopuštenom odnosno usklađenom sa odredbama Zakona.

Podnosioc prijave «MANN+HUMMEL» kojeg zastupa novi opunomoćenik Spaho Mehmed, advokat, Muhaneda Kantardžića 3/IV, Sarajevo, je dostavio Konkurencijskom vijeću zahtjev za izdavanje Rješenja po predmetnoj Prijavi (zaprimjen dana 21. septembra 2006. godine pod brojem 01-03-26-620-18-I/06).

Imajući u vidu činjenično stanje a polazeći od navedenih odredbi Zakona i člana 18. Odluke o načinu podnošenja prijave i kriterijima za ocjenu koncentracija privrednih subjekata Konkurencijsko vijeće je odlučilo kao u dispozitivu ovog Rješenja.

Administrativna taksa

Na ovo Rješenje Podnosioc prijave, u skladu članom 2. tarifni broj 107. stav (1) pod d) 1) Odluke o administrativnim taksama u vezi sa procesnim radnjama pred Konkurencijskim vijećem («Službeni glasnik BiH», broj 30/06), je obavezan platiti administrativnu taksu u iznosu od 2.500,00 KM u korist Budžeta institucija Bosne i Hercegovine.

Pouka o pravnom lijeku

Ovo Rješenje je konačno i protiv njega nije dopuštena žalba. Nezadovoljna stranka može pokrenuti upravni spor pred Sudom BiH u roku od 30 (trideset) dana od dana prijema ovoga Rješenja, odnosno od dana njegovog objavljivanja.

Predsjednik

Gordan Raspudić